

續修四庫全書

《續修四庫全書》編纂委員會編

續修四庫全書

上海古籍出版社

一六四五・集部・總集類

欽定全唐文一千卷總目三卷（卷六百五十九至卷七百十二）

〔清〕董誥等輯

.....一

欽定全唐文卷六百五十九目錄

白居易四

李佑授晉州刺史制

武寧軍將王昌涉等授官制

馬總亡祖母韋氏贈夫人制

路貫等授桂州判官制

駙馬都尉鄭何除右衛將軍制

封太和長公主制

宋朝榮加常侍制

欽定全唐文卷六百五十九目錄

贈陣亡軍將等刺史制

諸道軍將等授官制

裴度韓宏等各賜一子官并授姪女壻等制

入回紇使下軍將官吏夏侯仕戡等四十人授卿

監賓客諮議衛佐同制

盧昂可監察御史裏行知轉運永豐院制

張維素亡祖絃贈戶部郎中制

興州刺史鄭公達授王府長史李循授興州刺史

同制

權知陵州刺史李正卿正除刺史制

知渭橋院官蘇洌授員外郎依前職前進士王績

授校書郎江西巡官制

湖南都押衙監察御史王瓘可柳州司馬依舊職

制

安南告捷軍將黃士修授銀青光祿大夫試殿中

監制

授徐綰兵部員外郎李光嗣右司員外郎制

王鑑可刑部員外郎制

欽定全唐文卷六百五十九目錄

京兆府司錄參軍孫簡可檢校禮部員外郎荆南

節度判官浙東判官試大理評事韓伋可殿中

侍御史巡官試正字晁朴可試協律郎充推官

同制

冀州奏事官田練可冀州司馬兼殿中侍御史制

薛常翺可邢州刺史本州團練使制

牛元翼可檢校左散騎常侍深州刺史御史大夫

制

王衆仲可衡州刺史制

田盛可金吾將軍勾當左衛事制

陳楚男王府諮議參軍君賞可定州長史兼御史

軍中驅使制

崔承寵可集州刺史制

前貝州刺史崔鴻可重授貝州刺史制

前吉州刺史李繁可依前吉州刺史制

瀛漠州都虞候萬重皓可坊州司馬制

崔墉可河南府法曹參軍制

前河陽節度使魏義通授右龍武軍統軍前泗州

欽定全唐文

卷六百五十九

目錄

三

刺史李進賢授右驍衛將軍并檢校常侍兼御

史大夫制

李元成等授官制

馬總準制追贈亡父請迴贈亡祖制

權知朔州刺史樂璘正授兼御史中丞制

神策軍推官田疇加官制

裴徹授昭義軍判官裴侔授義成軍判官各轉官

制

雲州刺史高榮朝除太子賓客河東都押衙制

韋綬等賜爵制

烏重明等贈官制

羽林龍武等軍將士各加改轉制

新羅賀正使金良忠授官歸國制

除裴垠中書侍郎同平章事制

除段祐檢校兵部尚書右神策軍大將軍制

除趙昌檢校吏部尚書兼太子賓客制

欽定全唐文

卷六百五十九

目錄

四

欽定全唐文卷六百五十九

白居易 四

李佑授晉州刺史制

勅牧守之官與吾共理下之安否繫乎其人必稽前功方降是命某官李佑夙負材器累經任用當領軍郡頗著政聲而平陽舊都近罷征鎮土疆事物既廣且殷藉爾良能爲予撫字夫均其征役簡其科禁謹身省事以臨其人而人不安未之有也往宏是道以康晉人可依前件

武寧軍將王昌涉等授官制

欽定全唐文

卷六百五十九

白居易

一

勅王昌涉等早以材力召募從軍元和以來南征北伐咸有勞績著於一時主帥上聞乞加褒賞故以寺卿憲職序而寵之無棄前功在申後効可依前件

馬總亡祖母韋氏贈夫人制

勅某官馬總亡祖母韋氏播茲懿範貽厥嘉謀施及孝孫實居貴仕將明餘慶其在追榮不惟垂裕後昆抑且光昭幽壤宜降封邱之命以慰令伯之心可贈某夫人

路貫等授桂州判官制

勅藩隅之重委以侯伯軍府之要掌在賓寮貫等以文行

修身以智謀從事佐廉問澄清之務撫華夷錯雜之人俾其又安實在參贊宜及寵命以光所從可依前件

駙馬都尉鄭何除右衛將軍制

勅周設七萃漢列八屯皆以拱衛王宮肅嚴徽道統茲騎吏其屬親賢某官鄭何擢秀士林挺質公器以貞和陶其性以禮樂文其身善積德門慶連戚里況久踐名職累著聲猷念舊獎能宜加榮寵環列之尹不易其人俾宣力於爪牙不失親於肺腑可右衛將軍餘如故

封太和長公主制

欽定全唐文

卷六百五十九

白居易

二

勅公主之封號也或以善地或以嘉名立愛展親茲惟舊典第四女端明成性和順稟教靜無違禮故組紉有常訓動必中節故環珮有常聲歲茂穠華日新淑問乃眷肅雍之德俾開湯沐之封可封某公主

宋朝榮加常侍制

勅河東節度都押衙試太子賓客兼御史中丞宋朝榮賞因戰功擢領邊郡揆能適用故有轉遷龍樓上寮衙門右職雖有兼命未表殊恩宜加騎省之榮不改憲臺之重以茲寵任足報忠勲爾其敬承無墮乃力可檢校左散騎常

侍餘如故

贈陣亡軍將等刺史制

勅故某官某等王師問罪至於淄青爾等同執干戈親當矢石忠而盡瘁勇而亡身或退卒於師或進歿於戰俱死王事深惻朕心念捐軀於軍前宜追命於泉下郡守之貴以示褒榮可依前件

諸道軍將等授官制

勅平齊之役也諸軍指期衆校合戰某官等各輸戮勇同樹勲勤永思積日之勞頗媿逾時之賞故於獎授有所超欽定全唐文 卷六百五十九 白居易

三

遷朝右貴班官坊清秩或參憲職分以命之庶知我心不忘忠力可依前件

裴度韓宏等各賜一子官并授姪女壻等制

勅某官某等謁廟郊天改元肆眚是爲大慶與衆共之矧股肱心膂之臣與吾同體延賞任子其可廢乎爾等或以文華或以吏職有所修立稟於義方自當褒升况霑慶澤俾舉展親之典用叶推恩之道猶子愛壻各命以官爾其敬承無忝朝獎可依前件

入回紇使下軍將官吏夏侯仕戡等四十人授卿

監賓客諮議衛佐同制

勅某官夏侯仕戡等前命鄭權之入回紇也爾等參護使車用祇王命悉心盡力有恪恭跋涉之勤焉宜以省寺軍衛之班官坊府邸之用舉爲賓典分以寵之辨等旌勞於是乎在可依前件

盧昂可監察御史裏行知轉運永豐院制

勅虢州司戶參軍盧昂前負瑕疵事多曖昧今聞修省善亦昭彰況有大僚同知情狀且明非罪仍舉有才吾信人言遂可其奏爾思自効無辱所知可依前件

欽定全唐文 卷六百五十九

白居易

四

張維素亡祖紘贈戶部郎中制

勅右散騎常侍張維素亡祖某縣令某德合上元才終下位命屈於當代慶流於後昆故其孝孫實登貴仕經曰無念爾祖詩曰貽厥孫謀此言孫之謀能顯揚其先祖之德能垂裕於後也不追榮於列宿曷旌德於太邱可贈戶部郎中

興州刺史鄭公達授王府長史李循授興州刺史

同制

勅鄭公達等或以行稱或以才舉進修所致班秩不卑改

命序遷各適其用且乘朱輪於郡邸曳長裾於王門士子名宦至斯亦不爲不遇也立朝案部各敬爾官可依前件

權知陵州刺史李正卿正除刺史制

勅審材之要考察爲先吾之於人試乃可用李正卿頗闡吏道因假郡符畏法愛人善於其職夫速旌其能則吏勸久於其政則化成未可轉遷就加真秩副吾知獎無怠始終可陵州刺史

知渭橋院官蘇洵授員外郎依前職前進士王績授校書郎江西巡官制

欽定全唐文

卷六百五十九

白居易

五

勅某官蘇洵嘗以幹良分領劇務受任稱職主者上聞績既有成賞安可缺前進士王績亦以藝學籍名太常著爲令聞及此慰薦一以課進一以才升咸加班榮同以褒獎臺官校職爾各欽承可依前件

湖南都押衙監察御史王瓘可柳州司馬依舊職制

勅某官王瓘郡司馬之官秩祿頗厚凡在戎行有軍課者多兼命以優寵焉而瓘以鞭弭橐鞬從事征鎮前後主帥咸稱有功宜加新命仍率舊職蓋欲旌往勞而責來効也

爾其勉之可兼柳州司馬

安南告捷軍將黃士儵授銀青光祿大夫試殿中監制

勅某官黃士儵戎首來降陪臣告捷服勤靡盬將命無違宜以恩榮獎其勞効貴階崇秩兼而寵之可依前件

授徐綰兵部員外郎李光嗣右司員外郎制

勅具官徐綰以丞相之子爲尚書郎人得見於會朝而不得見於私室其言不敢近政其動未嘗違謙用是寡尤式彰能訓論者美宣祖大臣以行至移風稱易名者必曰光

欽定全唐文

卷六百五十九

白居易

六

嗣之王父也爾克敬有後敏以自圖多所周防恐墜遺法而皆以去列可使陟居武庫部都曹郎選惟重并舉而授無墮當官可依前件

王鑑可刑部員外郎制

勅刑曹郎闕朕詔執事擇可以善於其職者而殿中侍御史王鑑自居殿中能察非法連鞠庶獄多協平允加以溫敏靜專可當是選一歲之獄決在秋冬今方其時宜敬乃職

京兆府司錄參軍孫簡可檢校禮部員外郎荆南

節度判官浙東判官試大理評事韓伋可殿中

侍御史巡官試正字晁朴可試協律郎充推官

同制

勅某官孫簡等凡使府之制量職之輕重以命官揆時之遠近以進秩俾等殺有常序遷次有常程勞逸均而名分定矣簡自登憲司佐相幕府暨糾天府皆有可稱而伋等亦以文學發身謀畫効用荆揚浙右實籍賓僚況今之公卿大夫皆由此途出慎爾職事爾無自輕可依前件

冀州奏事官田練可冀州司馬兼殿中侍御史制

欽定全唐文

卷六百五十九

白居易

七

勅某官田練幹敏立身公勤濟事奉州將之手疏達軍人之血誠念其忠勞宜有寵擢假憲名於殿內遷郡秩於治中茲謂兼榮爾其敬受可依前件

薛常翺可邢州刺史本州團練使制

勅新授深州刺史薛常翺平蔡之役常領偏師實立勲勞遂膺寵任今屬方隅多故將守用能且以翺之長材居邢之要地故命魚符換郡熊軾移轅夫事至而功成時來而節見此忠良之事業也爾其念之哉可依前件

牛元翼可檢校左散騎常侍深州刺史御史大夫

制

勅某官兼御史中丞權知深州事牛元翼命官之要凡試吏者必俟成効然後即真而元翼有理戎之才扞城之畧權領軍郡能修武經士樂人安厥有成績是用假威臺憲真拜郡符仍以金貂示其兼寵吾聞忠臣立節烈士垂名其要無他得時而已勉竭才力副予斯言可依前件

王眾仲可衡州刺史制

勅前虔州刺史王眾仲聚學修身由文飾吏累經任使頗著良能前牧南康亦聞有政宜新印綬載領藩條而衡湘之間蠻越雜處無以俗陋不慎乃事無以地遠而怠厥心副吾陟明俟汝奏課可依前件

田盛可金吾將軍勾當左衛事制

勅右金吾衛將軍田盛夫任官至執金吾古今所榮重也而盛生勲德門有文武畧居貴介而無佚領誰何而有勞言念徼巡之功宜及轉遷之命處左攝事以表使能可依前件

陳楚男王府諮議參軍君賞可定州長史兼御史

軍中驅使制

勅某官陳君賞夙承義訓幼有令聞專繼弓裘之名通知軍旅之事因仍憲職兼佐郡符敬服寵章勉從任使

崔承寵可集州刺史制

勅太子左諭德崔承寵早登班級亟換星霜自陳力於貴朝屢奉辭於外國職由事博績以勞成就力官坊既申贊諭之美分符郡邸佇聞刺舉之能宜勵公心祇承寵命

前貝州刺史崔鴻可重授貝州刺史制

勅前貝州刺史崔鴻嘗牧貝邱能修其職及辭印綬頗厯去思相時之宜從人之望俾換新命再臨舊邦况聞貯蓄欽定全唐文 卷六百五十九 白居易 九

時材諳詳物務而方州思理侯伯薦能勉勤爲政之心勿忝知人之舉

前吉州刺史李繁可依前吉州刺史制

勅前吉州刺史李繁累奉藩條皆奏課第故移緡雲之政俾牧廬陵之人雖降璽書未臨郡邸屬魚章改造熊軾追還事既謀新職宜仍舊勉率分憂之任庶成來暮之謠

瀛漠州都虞候萬重皓可坊州司馬制

勅某官萬重皓嘗資武力早備戎行頗厯艱虞亦聞勤効而藩隅未靖遷轉從宜言念前勞宜加優秩可坊州司馬

崔墉可河南府法曹參軍制

勅鄆曹觀察判官監察御史裏行崔墉文行飾躬公清奉職士林推美藩府薦能軍旅之間久資其用忠勤之後不隕其名宜拔才於功臣俾試吏於府掾可依前件

前河陽節度使魏義通授右龍武軍統軍前泗州

刺史李進賢授右驍衛將軍并檢校常侍兼御

史大夫制

勅文武之才內外迭用軍國之任出入遞遷斯所以優勲賢而均勞逸也某官魏義通以戎功積久榮委旌旄某官

欽定全唐文 卷六百五十九 白居易 十

李進賢以軍課居多寵分符竹各勤其職咸用所長是以河陽三城鎮靜而不擾泗濱一郡緝理而有勞我有禁軍爾宜分領親信則倚爲心膂動用則張爲爪牙苟非其人

不副此任咸假貂蟬之貴仍兼憲職之榮勉哉二臣無替一志可依前件

李元成等授官制

勅黔州觀察使兼度支使李元成等或蘊蓄能才咨謀是藉或分領劇務課績有成并可奏書各遷憲職勉勤乃事無忝所知可依前件

馬總準制追贈亡父請迴贈亡祖制

勅夫積善者慶鍾於後顯揚者光昭於先而總貴爲邦君賢爲國士荷貽謀之訓用率義之文上獻表章有所陳乞朕念其祖德哀以臺郎所以復陳實必興之言慰范喬泣涕之思庶使幽顯兩無恨焉可贈某官

權知朔州刺史樂璘正授兼御史中丞制

勅樂璘專習武經旁通吏道試補郡守以觀其能連帥上聞果副所舉夫審官之要在因其所長而任之則政速成而化易就也才既試可官宜即真何以寵之就加憲職可

欽定全唐文 卷六百五十九

白居易

士

朔州刺史兼御史中丞

神策軍推官田疇加官制

勅田疇官列環衛職參禁軍慎檢有聞恭勤無怠顧是勞効例當轉遷郡佐官寮以示兼寵

裴敞授昭義軍判官裴倖授義成軍判官各轉官

制

勅裴敞等昭義義成今之重鎮實藉賓介以參謀猷而二帥皆勤於奉公精於辟士度才而授職循序而請官頗合所宜咸可其奏可依前件

雲州刺史高榮朝除太子賓客河東都押衙制

勅高榮朝常領銳師入攻堅寇因累獎賞位至專域才有所長宜遷戎職功不可忘兼進榮班勉事元戎無替勞効

韋綬等賜爵制

勅韋綬等去年春夏同奉寢園事集禮成副吾哀敬宜加封爵以報恪勤可依前件

烏重明等贈官制

勅故某官烏重明等夫生樹功勤歿加褒飾有國之常典也重明等在興元初常執勤於奉天策勲爲定難無祿即

欽定全唐文 卷六百五十九

白居易

士

代有勞未圖星歲屢遷光塵不昧聞輶之念予心曷忘俾慰幽泉各追顯秩可依前件

羽林龍武等軍將士各加改轉制

勅夫軍衛警則內外嚴爵賞明則忠勤勸爾等咸以材力列於禁營屬去年以來屢陳儀仗雖加賜予未答勤勞因詔有司舉行賞典吾匪虛授爾宜敬承文武班資各從序進可依前件

新羅賀正使金良忠授官歸國制

勅新羅使倉部郎中金良忠等朕以文明御時以仁信柔

遠聲教所及駿奔而來况溟漲一隅舟航萬里爾慕我化我圖爾勞隨其等倫命以寵秩無替前効永爲外臣可依前件

除裴垍中書侍郎同平章事制

門下朕聞后德惟臣臣德惟良在太宗時實有房杜贊貞觀之業在元宗時實有姚宋輔開元之化咸克佑我烈祖格於皇天朕祇奉丕圖懋繼前烈思欲貞百度和萬邦建中於人垂拱而理永維房宋之化寤寐求思至誠感通上帝眷佑果賚良弼輔予一人正議大夫行尚書戶部侍郎

欽定全唐文

卷六百五十九

白居易

五

上柱國賜紫金魚袋裴垍器得天爵文爲國華行有根源詞無枝葉忠敬恭順貫之以誠心方潔貞廉輔之以通識玉立不倚金扣有聲洎內掌綸言密參樞務嚴重有大臣之體溫雅秉君子之文每獻納之時動有直氣當顧問之際言無隱情遠圖是經大事能斷匡予不逮時乃之功及領地官且司邦賦會計務劇出納事殷投利刃而皆虛委勞絲而必理歷試已久全才益彰宜登中樞以副僉望夫宰輔者下執邦柄上代天工爲國蒼蠅注人耳目爾尚降乃德以親百姓廣乃志以序九流匡朕心以清化源從人

欲以致和氣予欲宣力汝爲股肱予欲詢謀汝爲心膂予違望於汝弼勿謂不從汝言逆於朕心必求諸道獨立勿懼直躬而行明聽斯言敬踐乃位嗚呼罔俾房宋專美於前可中書侍郎同中書門下平章事散官勲賜如故主者施行元和六年十一月

除段祐檢校兵部尚書右神策軍大將軍制

門下爲君之心惟功勞是念有國之典以賞勸爲先其有輯睦師徒保綏黎庶盡勤王之節建護塞之勲則宜進以官常委之軍要兼文武之秩參內外之榮斯所以彰念功

欽定全唐文

卷六百五十九

白居易

五

而明懋賞也四鎮北庭行軍兼涇原等州節度支度營田觀察處置等使光祿大夫檢校工部尚書使持節涇州諸軍事涇州刺史兼御史大夫上柱國鴈門郡開國公段祐早膺事任累著公忠名因義聞位以勤致自分戎閫實控塞門明舉武經大修邊務士卒有勇保障無虞虜不近邊農皆狎野展執珪之勤禮懋懋關之深誠方圖爾勞且遂其志夫六官庀職大司馬列於前二翼分師大將軍處其右長夏官以率屬領環衛而拱宸苟非信臣安可兼委嘉乃實効副予虛求將慎重其腹心宜進登於喉舌敬服休

命勉揚令圖可檢校兵部尚書右神策軍大將軍知軍事散官勲封如故主者施行

除趙昌檢校吏部尚書兼太子賓客制

門下王者以尚齒尊賢為禮以念功任舊為心況文武之才以兼備則中外之職所宜迭居所以寵舊勲而優耆德者也前荆南節度管內支度營田觀察處置等使金紫光祿大夫檢校兵部尚書兼江陵尹上柱國天水郡開國公趙昌聚學飾身修誠致用久膺事任累著勲猷統護交州威惠之聲克振鎮臨南海撫循之政有經自移部荆門

欽定全唐文

卷六百五十九

白居易

五

馳心魏闕增修職貢益勵忠勤爰舉寵章用旌茂績夫望優四皓然後能調護春闈才冠六卿然後能綱紀會府惟爾年德足尚可以周旋其間宜增喉舌之榮以崇羽翼之任服我休命其惟懋哉可檢校吏部尚書兼太子賓客散官勲封如故主者施行

欽定全唐文卷六百六十目錄

白居易 五

除鄭綱太子賓客制

加程執恭檢校尚書右僕射制

除王佖檢校戶部尚書充靈鹽節度使制

除閻巨源邠寧節度使制

授吳少陽淮西節度留後制

除程執恭檢校右僕射制

除郎官分牧諸州制

欽定全唐文

卷六百六十

目錄

一

除張宏靖門下侍郎平章事制

授范希朝京西都統制

贈李吉甫先父官并與一子官制

除李絳平章事制

授韓宏許國公實封制

除裴度中書舍人制

除蕭俛起居舍人制

除崔羣中書舍人制

獨孤郁守本官知制誥制

授沈傅師左拾遺史館修撰制

除許孟容河南尹兼常侍制

除李程郎中制

裴克諒權知華陰縣令制

贈高郢官制

貶于尹躬洋州刺史制

贈裴均官制

除軍使邠寧節度使制

除韋貫之中書侍郎平章事制

欽定全唐文

卷六百六十

目錄

二

除拾遺監察等制

除范傳正宣歙觀察使制

邊鎮節度使起復制

除任迪簡檢校右僕射制

除常侍制

除裴武太府卿制

杜佑致仕制

鄭涵等太常博士制

除韓臯東都畱守制

中書舍人韋貫之授禮部侍郎制

薛存誠除御史中丞制

前長安縣令許季同除刑部郎中前萬年縣令杜

羔除戶部郎中制

京兆少尹辛祕可汝州刺史制

欽定全唐文

卷六百六十

目錄

三

欽定全唐文卷六百六十

白居易 五

除鄭綱太子賓客制

門下王者重輔弼之任明進退之宜見可卽升知否則捨茲朕所以推誠不惑與物無私者也銀青光祿大夫守門下侍郎同中書門下平章事兼宏文館大學士上柱國賜紫金魚袋陽武縣開國侯鄭綱早以令聞入參禁署永惟勤績出授台司期爾有終匡予不逮歲月滋久謀猷寔微罔清淨以慎身每因循而保位既乖素履且鬱皇猷宜副欽定全唐文 卷六百六十 白居易 一

加程執恭檢校尚書右僕射制

門下職參揆務權總戎麾必唯其人乃授斯柄自非望崇垣翰功著旂常則何以副儀形之求稱節制之任我有休命爾其敬承銀青光祿大夫檢校兵部尚書使持節滄州諸軍事兼滄州刺史御史大夫橫海軍節度支度營田滄景等州管内觀察處置等使上柱國邢國公食邑三千戶

程執恭義勇立身忠愍成性聚爲事業發爲勲猷歷事先朝久專外閫殿邦而山岳比鎮奉國而金石爲心動修武經居有循化洎執珪入覲班瑞言旋忠懇內激於心誠恭順外形於詞氣爰舉酬庸之典稍增命秩之榮方圖前勞且有後命朕思安封域望在勲賢任既切於腹心位猶輕於喉舌以守土勤王之效雖進官封念來朝述職之忠未加寵數特升右揆俾在中樞勉終永圖無替成績可檢校右僕射餘竝如故

除王伋檢校戶部尚書充靈鹽節度使制

欽定全唐文 卷六百六十 白居易 二

門下靜邊之要選將爲先夫有統馭之才然後授以節制之任有撫備之畧然後鎮以夷夏之衝期乎攘遏寇虞慎固封域今予命爾時謂得人開府儀同三司檢校刑部尚書兼右衛上將軍寧塞郡王食實封二百五十戶王伋忠厚立誠果斷効用慎始終而行有枝葉踐夷險而道無磷緇早練武經果從軍職頃逢多壘實佐元戎節著臨危功參定難位由勞致名以忠聞自列六卿且司七萃星霜屢變金石彌堅宜申命於北轅俾遏戎於南牧進地官以崇新命極勲秩以褒舊功中簡朕心外諧僉議况五原重鎮

諸夏長城修戎政莫先於威聲牧邊民莫尚於惠實師雜
昆夷之悍訓必在和地爲獯虜之隣撫宜以信勉率是道
往分朕憂歲時之間期於報政委望斯在爾其聽之可檢
校戶部尚書兼靈州大都督府長史御史大夫充朔方靈
鹽定遠城節度副使知節度事管内支度營田觀察處置
押蕃落等使仍賜上柱國散官食實封竝如故主者施行
除閻巨源邠寧節度使制

門下華夷要地實爲蕃漢鈇鉞重柄必授忠賢况乎犄角
諸軍金湯中夏有坐甲護邊之旅任切於拊循有引弓犯

欽定全唐文

卷六百六十

白居易

三

塞之虞寄深於備禦內作心腹外張爪牙苟非信臣不在
茲選奉天定難功臣開府儀同三司檢校尚書右僕射兼
羽林軍統軍御史大夫上柱國定襄郡王食邑一千三百
戶閻巨源備知虜態明練兵符永惟顧牧之能宜授邠邠
之寄長南宮而遷左揆壯西郊而委中權旣圖前勞且佇
來效於戲十聯之帥可以觀政萬夫之長可以樹勲勉宏
令猷副我休命可檢校尚書左僕射使持節邠州諸軍事
兼邠州刺史御史大夫充邠寧慶等州節度管内支度營
田觀察處置等使散官勲封竝如故主者施行

授吳少陽淮西節度畱後制

門下議事以制擇善而行是適變通庶臻康濟此王者所
以宏德而息人也况閫外重寄淮右成師建有德以統藩
方擇有才以領畱府仰惟令典今舉行之彰義軍馬軍先
鋒兵馬使正議大夫檢校右散騎常侍使持節申州諸軍
事申州刺史兼御史大夫會稽郡王吳少陽忠勞許國貴
介成家蓄武畧於韜鈴宣吏能於符竹屬元戎旣歿謀帥
其難朕將選衆以升試可而用推掌戎務已逾歲時而能
和輯師人勤修土貢布寬簡有恒之政動悅人情守恭順

欽定全唐文

卷六百六十

白居易

四

不踰之心靜俟君命有嘉大節可假中權宜進列於貂蟬
俾增威於貔武仍加勲秩式茂寵章嗚呼重觀其能我故
委之畱事載佇其效爾宜勉於後圖敬思是言往率乃職
可銀青光祿大夫檢校左散騎常侍依前兼御史大夫使
持節蔡州諸軍事權知蔡州刺史充彰義軍節度管内支
度營田申光蔡等州觀察處置等使畱後仍賜上柱國封
如故主者施行

除程執恭檢校右僕射制

門下臣之節極乎忠功君之柄先乎爵賞欲忠者之克懋

也故爵有加等欲功者之速勸也故賞不踰時古先哲王實用茲道今我命爾因其舊章橫海軍節度支度營田滄景等州觀察處置等使起復冠軍大將軍左金吾衛大將軍員外置同正員檢校兵部尚書使持節滄州諸軍事兼滄州刺史御史大夫上柱國邢國公程執恭業傳將畧名在勲籍蘊天爵以修己忠孝兩全竭臣節而事君夷險一致紀綱我列郡節制我成師動揚休聲靜著茂實自合符徵旅奔命出疆暴露歷於三時供億出於二郡整眾而身作師律伐謀而心爲戰鋒服金革而無辭當矢石而有勇

欽定全唐文

卷六百六十

白居易

五

兩晦識雞鳴之信風高見隼擊之威遠畧旣申茂勲方集朕以恒陽之眾蠢爾無知毆彼生人致之死地每一念至惻然久之與其傷和而濟功曷若含垢而修德旣罷師旅爰圖勤勞效且居多賞宜從重俾自夏官之長特升右揆之崇獎忠勸功於是乎在承我休命爾其欽哉可檢校尚書右僕射餘竝如故主者施行

除郎官分牧諸州制

漢宣帝云與我共理者其惟良二千石乎誠哉是言朕每三復安得循吏副吾此心今之臺郎一時妙選嘗經仟歷

率有才用雖典曹庀事其務非輕而卹隱分憂所寄尤重是用竝命分牧吾人歲時之間期於報政戶部郎中某可某州刺史兵部員外郎某可某州刺史云云朕高懸爵賞佇期酬效咨爾夙夜其念之哉無俾龔黃專美前代

除張宏靖門下侍郎平章事制

門下夫佐佑天子變理陰陽平章法度登進賢哲外撫夷狄內安元元使百官修其職一物不失其所此宰相之任也朕思得良弼馴致此道咨予命汝其殆庶乎某官張宏靖惟乃祖乃父代居相位咸有成績書於旂常爾有忠正

欽定全唐文

卷六百六十

白居易

六

恭肅文以禮樂日濟其美振揚家聲一時之人謂之才子亟登清貫益著令聞洎出刺陝部移鎮蒲坂政不苛細甚得人心寮吏將卒皆樂爲用清簡之化聞於京師由是鄭風緇衣之好漢庭元成之美朝望時議翕然與之人謀既同朕志亦定乃用登爾於佐輔授爾以大政尚克欽乃嘉命業乃代官竭其股肱服我前訓嗚呼三代爲相邦家之光爾其念哉無替乃前人之徽烈

授范希朝京西都統制

門下閭闔風至太白星高謀帥護邊國之大計具官范希